



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Petri Ribadeneiræ, Societatis Iesv Presbyteri, De
Tribulationibus huius seculi Libri Duo**

Ribadeneyra, Pedro de

Coloniae, 1604

Capvt I. Quid sit tribulatio, & quomodo diuidatur in temporaneam &
æternam.

[urn:nbn:de:hbz:466:1-50340](https://nbn-resolving.org/urn:nbn:de:hbz:466:1-50340)

R. P. PETRI
RIBADENEIRAE

SOCIETATIS IESV,

DE TRIBVLATIONE,

Liber Primus.

IN QVO DE TRIBVLA-
tionibus particularibus, earundem-
que veris remedijs agitur.

CAPVT I.

QVOD SIT TRIBVLATIO, ET
quomodo diuidatur in temporaneam
& eternam.



VILIBET sensuum
corporalium & potenti-
arum animæ nostræ de-
lectatur in obiecto sibi
proprio & proportiona-
to, contristaturq; cū ob-
uiam habet rem aliquam sibi cōtrariam
& inconuenientem. Nam sicut oculus
in rebus speciosis, auris in dulci harmo-
nia Musicę, gustus in delicatis pulpamē-
tis, & in suauibus odoremētis odoratus
A natu-

2 DE TRIBVLATIONE

naturaliter recreatur: ita contra quivis istorum sensuum displicentiam & dolorem quēdam percipit, quando hoc quod presentatur visui, est deforme, quod gustatur, malē conditum, & odoratur aliquid fætidum & iniucūdam. eadem plane ratio est sensuum, & potestatum reliquarum interiorum & exteriorum. Pœna vel afflictio quam percipiunt ex obiecto sibi contrario, seu ex defectu vel desiderio istius quod foret ipsis proprium & magis conueniens, propriē appellatur Tribulatio, nomen deductum à latino (Tribulus) quod est genus cardui, aliās murex dictum. Deriuant aliqui nomen Tribulationis ex latino (Tribula) quod traham significat, instrumentum quo agriculæ vtuntur ad segregandum triticū à palea. Quemadmodum enim traha primò spicas rumpit, deinde paleam separat, vt granum purum & nitidum appareat: sic etiam tribulatio nos affligens & cruciās domat, humiliat, & separare granum à palea, segregare preciosum à vili docet, donatq; lumen ad cognoscendū omne quod descēdit de cælo in terrā, omne q; ducit ad Deū, vel abducit ab illo.

Sciendum igitur est, duo esse pœnarū & tribulationū genera, quæ afflixerūt & affligunt Adami filios, post peccatum
primi

primi parētis; tēporale vnū, cessaturum
 cū hac vita; æternale alterum duraturū,
 cum ipso Deo. Vnde dicit Ecclesiasticus:
Quasi romphæa bis acuta omnis iniquitas, pla-
ga illius non est sanitas. propterea, quia
 obligat ad pœnam temporaneam & æ- Cap. 21.
 ternam, neque sanari potest nostris, nec
 ullis naturæ viribus, nisi Deus per meri-
 ta pretiosi sanguinis dilectissimi filii sui
 Domini ac Redēptoris nostri succurrat.
 Et paulò post: *Via peccantiū cōplātata lapi-*
dibus, & in fine illorū inferi, & tenebræ, &
pœna. Dicendo namq; viam illorum sa- Cap. 1.
 xosam, ostendit in quantis pœnis & ærū-
 nis peccatores ambulent in hoc mundo,
 adiungendo verò finem illos merentē
 esse infernū plenum pœnis ac tenebris,
 docet tribulationes eorum non finicdas
 cum hac vita. Alludit quoque ad hoc
 Propheta Nahum, cum ait: *Quid cogitatis*
contra Dominum? consummationem ipse fa-
ciet, non cōsurget duplex tribulatio: quasi
 diceret; tēporalis breuisq; huius vitæ tri-
 bulationis medio homines sic purgabū-
 tur, vt nō incurrant sempiternā, neq; ca- Cap. 7.
 dāt de tribulatiōe in tribulationē. Adhęc
 S. Iob pollicetur q̄ Deus sit nos liberaturus
 p̄ sex tribulationes, cōprehēdētes in
 se oēs huius vitæ misérias, ne septima,
 quæ est æterna, nos tangat, aut malum
 aliquod nobis superueniat. A 2 Non

4 DE TRIBVLATIONE

Non intendo hîc loqui nec agere de pœnis & tribulationibus quas peccatores patiuntur in inferno, eò quòd nullũ aduersus eas sit remedium, leuamen, aut consolatio: sunt enim adeò horribiles & stupendæ, vt ab humano intellectu ne comprehendi quidem, multò minus lingua aliqua exprimi possint. animus mihi solùm est locui aliquantulum de angustijs & molestijs, quibus miserabilis hæc vita perfusa est, deq; fructu colligendo, nostro in hac lachrymarum valle existẽte exilio. Cùm enim nos necessariò gustare oporteat, nec quisquam ab iisdem eximi possit, expediret inuenire modũ, quo ita eas deuoremus, vt non solùm amaritudo nobis non noceat, aut nausẽa pariat tanquam cibi malè conditi, sed vt amarum etiam dulce, & frigidum calidum arbitremur.

CAPVT II.

DE MVLTITVDINE ET DIVERSITATE MISERiarum quas homo sustinet in hac vita.

Cap. 40.

Quis ergo dicturus de pœnis & tribulationibus presentis vitæ, poterit dicere numerum, aut recensere diuersitatem? Spiritus S. apud Ecclesiasticum inquit